



स्वयान केके
पहुरा थारु दैनिकके अनलाइन न्यूज
ओ ओकरभिट्टर डारल इ-पेपरमे
देशविदेशसे हमार अनलाइन न्यूज
ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २३ अंक ३३६ वि.सं. २०८३ असार १९ गते शुक्र थारु सम्बत (२६४९)

[Friday 03 July 2026]

(मोल रु. ५ | - पेज ४)

टीकापुर नगरपालिकाके बजेट एक अर्ब तीन करोड

श्रमदानसे बनल पुलके उद्घाटन

पहुरा समाचारदाता

टीकापुर, १८ असार । टीकापुर नगरपालिकासे १९औं नगरभासे आगामी आर्थिक बरस २०८३/८४ के लाग एक अर्ब तीन करोड ६७ लाख ७७ हजारके बजेट प्रस्तुत करले बा ।

नगरसभाके ज्येष्ठ सदस्य जयराम थारुके अध्यक्षमे हुइल सभासे संघीय सरकारसे ६५ करोड ५६ लाख ओ सुदूरपश्चिम प्रदेश सरकारसे १४ करोड ६६ लाख सहयोग प्राप्त हुइना तथा आन्तरिक स्रोतसे २४ करोड ४७ लाख आम्दानी हुइना अनुमान करले बा ।

सभामे आर्थिक विकास समितिके संयोजक यज्ञप्रसाद न्यौपाने उक्त बजेट प्रस्तुत करल रहित ।

नगरप्रमुख रामलाल डगौरा थारु



उहीसे आधे राजिनामा डेके प्रतिनिधिसभा सदस्यके उम्मेदवार बनल तथा उपप्रमुख खडकबहादुर शाह भर हाल निलम्बनमे परल ओरसे ज्येष्ठ सदस्य थारुके अध्यक्षतामे सभा

सञ्चालन करल रहे । सभामे वडा नम्बर १ के वडाध्यक्ष मोहन विक नीति कार्यक्रम, वडा नम्बर २ के वडाध्यक्ष दीपक चौधरी अन्य आर्थिकसम्बन्धी गतिविधि तथा वडा नम्बर ४ के वडाध्यक्ष लालविर चौधरी विविध प्रस्ताव प्रस्तुत

करल रहित ।

नगरपालिकाके नीति तथा कार्यक्रममे स्थानीय कच्चापदार्थ प्रयोग कैके स्थापना हुइना उत्पादन मूलक उद्योगहे नगरपालिका बुझाइ पर्ना राजस्व शुल्क १० बरसके लाग छुट डेना नीति लेहल बा ।

नीति तथा कार्यक्रममे सरकारके स्वामित्वमे रहल घर जग्गा, सरकारी अस्पतालके जग्गा, गुठीके जग्गा, मुनाफाके उद्देश्य नैराखके सञ्चालन करल शिक्षण संस्था, कम्पनी, समिति, प्राधिकरण, बोर्ड, मुनाफाके उद्देश्य नैराखके सञ्चालन हुइल सघसंस्थाके घरजग्गा, धार्मिक संस्था, खानेपानी, मसानघाट जैसिन सार्वजनिकस्थलके घर ओ घरजग्गा सम्पत्तिमे कर नैलगना कार्यक्रम आधे सारल बा ।



पहुरा समाचारदाता

बार्चुला, १८ असार । बार्चुलाके विकट बस्ती व्यास गाउँपालिका-२, दुम्लिङके काठादुम्लिङमे श्रमदानमार्फत निर्मित भोलुङ्गे पुलके प्रतिनिधि सभा सदस्य एवं श्रम संस्कृति पार्टी अध्यक्ष हर्कराज राई साम्पाङ उद्घाटन करलसँगे आवतजावत समेत सुरु हुइल बा ।

अध्यक्ष साम्पाङके अगुवाइमे श्रमदानमार्फत भोलुङ्गे पुल निर्माण करल हो । सुनसरीके प्रतिनिधि सभा सदस्य साम्पाङके नेतृत्वमे चार सय जानेसे ढेर पुल निर्माणमे श्रमदान करल रहित । गत चैत २४ गते शिलान्यास करल भोलुङ्गे पुल ८५ दिनमे निर्माण सम्पन्न कैके मगरके एक कार्यक्रमबिच उद्घाटन करल पुल

निर्माणमे संलग्न नवीन राई जानकारी डेलै ।

पुल उद्घाटन कार्यक्रममे बोल्टी दुम्लिङके स्थानीय माया जोहारी प्रतिनिधि सभा सदस्य राई दुम्लिङ पुगलपाछे आपन गाउँठाउँमे ढेर विकासनिर्माणके काम हुइल बटैलै । बार्चुलाके नेतासे करे नैसेकल काम प्रतिनिधि सभा सदस्य साम्पाङसे करल कहटी उहाँ खुसी व्यक्त करल रहित । पुल निर्माणमे संलग्न श्रमदाता दुम्लिङगाउँमे (फोरजी) इन्टरनेट सञ्चालन कैना विद्युतके पोल ढुवानीमे सहयोग करल बटाइल रहित । वडाके वडाध्यक्ष धिरनसिंह बुढाथोकी पुल (बाँकी ३ पेजमे)

गेटा अस्पतालमे भिडियो एक्सरे ओ म्यामोग्राफी सेवा बन्द



पहुरा समाचारदाता

धनगढी, १८ असार । शहिद दशरथ चन्द स्वास्थ्य विज्ञान विश्वविद्यालय मातहत सञ्चालित गेटा अस्पतालमे भिडियो एक्सरे ओ म्यामोग्राफी सेवा बन्द हुइल बा ।

अस्पतालमे उ सेवाके लाग विशेषज्ञ डाक्टर नैहोके उ सेवा बन्द हुइल अस्पतालके सूचना अधिकारी नैनसिंह कार्की जानकारी डेलै ।

ओहकान अनुसार दुई महिनाआधे नै रेडियोलोजिस्ट डा होम पन्तके कोशीमे सरुवा फिर्ता हुइलसँगे उक्त सेवा बन्द हुइल हो ।

दैनिक २० जानेसमके भिडियो एक्सरे हुइना करल गेटा अस्पतालमे हाल सेवा बन्द हुइलपाछे सेवा लेहे अउइया बिरामी बाहर जैना बाध्य रहल बटै ।

सूचना अधिकारी कार्की गर्भवती

जाँचके लाग स्त्री तथा प्रसूति रोग विशेषज्ञ (गाइनोकोलोजिस्ट) डाक्टर नै भिडियो एक्सरे सेवा जारी राखल बटै । रेडियोलोजिस्ट डाक्टर नैहोके म्यामोग्राफी (स्तन एक्सरे जाँच) सेवा फेन बन्द हुइल उहाँके कहाइ रहल बा । उहाँ म्यामोग्राफीके रिपोर्टिङ फेन रेडियोलोजिस्ट डाक्टरहे करे पर्ना हुइल ओरसे रेडियोलोजिस्ट डाक्टर नैहोके सेवा बन्द हुइल बटैलै ।

म्यामोग्राफी सेवा इ क्षेत्रमे पहिलचो सञ्चालनमे लानल रहे । छ सय शय्याके भौतिक संरचना निर्माण हुइल अस्पतालमे हाल ५० शय्या किल सञ्चालनमे रहल बा ।

अस्पतालमे सेवा विस्तारके लाग इ क्षेत्रके स्थानीय दबाब डेटी अइलेसे फेन हाल हुइल सेवा फेन पूर्ण रूपमे सञ्चालनमे आइ सेकल नैहो । अस्पतालमे (बाँकी २ पेजमे)

लागुऔषधसहित एक जे पक्राउ

पहुरा समाचारदाता

धनगढी, १८ असार । कैलालीके धनगढी उ.म.न.पा.७ मनेहरासे अवैध लागुऔषध खैरो हेरोईन ६२० मिलिग्राम सहित एक जाने पक्राउ परल बटै ।

उहे ठाउँ बैठना वर्ष २७ के नरेश थापाहे वृधके रात प्रहरीसे पक्राउ करल हो । जिल्ला प्रहरी कार्यालय, कैलालीसे खटल प्रहरीसे शंका लागके चेकजाँच करेबेर उ पदार्थ फेला पारके उ पदार्थ सहित पक्राउ करल हो ।

सिनियर न्युरोलोजिष्टद्वारा

NISARGA
Hospital & Research Center Pvt. Ltd.

प्यारालाइसिस, मृगी र टाउको सम्बन्धी समस्याको उपचार

चेक जाँच / उपचार हुने समस्याहरू

- ✓ प्यारालाइसिस भएका बिरामी
- ✓ हात खुट्टा काप्ने वा झमझम गर्ने
- ✓ मृगी छारे रोगको समस्या भएका बिरामी
- ✓ टाउको दुख्ने समस्या भएका बिरामी
- ✓ Parkinson रोग वा Movement Disorder
- ✓ चक्कर लाग्ने समस्या
- ✓ बिसिने समस्या



डा. जितेन्द्र प्रसाद यादव

MBBS, MD (Neurology)
National Trauma Center (NAMS)
FICN (Grande Int. Hospital)
NMC No.: 8029

डाक्टर आउने मिति :
असार २६ र २७ गते

परामर्शका लागि:

०९१-५२६००/०१/०२ | ९८६५६८०१००

हसनपुर, धनगढी-५, कैलाली

nisargahospitaldgd@gmail.com
www.nisargahospitalnepal.com



